

## LIHIR DATABASE TOKSAVE

### AS TINGTING BLONG REGISTERIM NEIM BLONG YU:

MRLC i wok nau lo kirapim Lahir Database blong em. Dispela regista bai holim olgeta nem, identification piksa na benk record blo halivim MRLC lo stretim gud, pasin blong serim moni blong olgeta Lahir man, meri na pikinini. Em i important lo yu mas registerim nem na ID blo yu, na femili blong yu, long dispela regista or Database lo wanem, em bai halivim yu long kisim se moni blong yu kwiktaim. Moa toksave long stat blong dispela regista i stap tambolo.

### WANEM TAIM BAI REGISTRATION I KAMAP?

MRLC i toksave olsem registration bai stat lo Lahir Ailan lo 27 dei blong mun November, 2018. MRLC bai toksave klostu taem long wanem ol ples ol tim blong registerim yupela olgeta na bai kisim neim na ID foto blong yupela. Olgeta manmeri na pikinini long Lahir Ailan imas kamap blong register.

### BAI YUMI REGISTA OLSEM WANEM?

Bai igat tim bai kamap long peles blong yu lo sindaun wantaim yu na wokim regista.

- Namba wan samting: Yu mas stap rere long dei tim bai i kamap long ples blong yu blong kisim hanmak na piksa blong yu.
- Namba tu samting: Yu mas kisim akaun blong yu i kam wantaim yu long displa dei. Em bai halivim registration tim long stretim, rot blong baem se moni blong yu igo insait stret long akaun blong yu long benk.
- Namba tri samting: Sapos yu gat piksa ID blong yu yet, orait, yu mas karim wantaim yu ikam.

Yu mas rere gut na putim iau long harim toksave lo wanem dei na taim Registration tim bai kamap lo ples blo yu. MRLC bai givim moa toksave lo dispela klostu taim o yu ken lukluk tu lo, websait blo MRLC; <http://www.mrlcapital.com.pg/database/> lo kisim dispela toksave tu.